




Kwartaal 2

VONKEEL prop





Su-mari Steyn



George Lourens



Lana Naudé

Nadine Berry

Tim Van der Walt

VONKELPROP

Redaksie

2025



Isabella Luckfiel



Mieke Bester



Caylyn Hall



Mckayla Clack



• EERSTESPAN HOKKIE



Ná n opwindende en uitdagende jaar, het die eerste span se hokkie-seisoen tot n einde gekom. Die span het 48 doele geskiet in 19 wedstryde hierdie jaar. Hulle het 10 wedstryde gewen en 6 gelyk-op gespeel.

Die Eerste hokkiespan het n 2de plek behaal in die Geloofte Aandreeks.

Die volgende spelers is gekies om die IAS span te verteenwoordig in Nederland van 6 - 16 Oktober:

Caylyn Hall
Shiloh Van Zyl
Zahnré de Beer
Denise de Bruyn
Logahn Otto
Mikayla Van Zyl
Mieke Bester



Die span bedank afrigter Miranda Pretorius en Juffrou De Gray Birch as spanbestuurder vir die hulp en ondersteuning deur die seisoen. Baie sterkte vir die nuwe span van 2026 vir die jaar wat voorlê.



~Caylyn Hall

Kuswag Netbal Afsluiting 2025

Na 'n hardwerkende jaar van wedstryde met bloed, sweet en trane het ons netbal seisoen uiteindelik tot 'n einde gekom en so het ons meisies dit met pret dit gevier. Juffrou Beukes, Van Wyk en Pretorius het baie moeite vir hulle in gesit. Dit was nie net 'n seisoen nie, maar 'n viering van groei, harde werk en spanwerk. Wanneer ons terug kyk op hierdie jaar sien ons nie net wen of verliese nie, ons sien oomblikke van deursettingsvermoë, vriendskap en trots. Elke oefensessie, elke wedstryd – of hulle nou gewen het of verloor het, het hulle iets geleer. Kuswag is baie trots op ons Netbal Spanne!



RUGBY SEISOEN '25



Ons rugby seuns het weereens Kuswag se naam hoog gehou tydens die 2025 seisoen.

Hulle het briljant
as n span bymekaar gekom
en elke hindernis oorkom. Met
n wenkoers van bo 80% kan kuswag
as geheel nie meer
trots wees as wat hul klaar is.



Ons Wil ook baie geluk sê aan die twee spelers wat die SKZN 0/19 rugby span behaal het. En aan Jaiden Laidlaw wat ook gekies is om die junior SA uitnodigingspan te verteenwoordig in Spanje .



Asook vir die Jong dame wat 0/16 KZN rugby dogters behaal het.



Wel gedaan aan die 0/14 en 0/15s wat die KZN span behaal het. Caiden Jooste, Skyler Snyman, Dredon Brussow, Christian De Koker en Iminathi Mkitika.

Landloop is 'n sport of aktiwiteit waar individue lang afstande hardloop. Die sport toets uithouvermoë en krag. Dit gaan nie net oor hardloop nie - dit gaan daaroor om jou perke te verskuif.

Die volgende leerders het op 27 Mei 2025 by die Umbumbulu uitdunne die volgende plekke behaal:

Ewan Grobler - 1ste plek
Douw Kruger - 1ste plek
Heinrich Grobler - 2de plek
Ingé Vosloo - 4de plek
Riccardo Volschenk - 5de plek
Shane van der Hulst - 6de plek

Die leerders sal ook deel neem aan die Umlazi kampioenskappe wat op 25 Julie 2025 plaasvind. Ons is baie trots op elke leerder wat deelgeneem het en wat deur gaan na die Umlazi kampioenskappe. Elke leerder het baie hard gewerk om hulle uithouvermoë en krag te bewys aan almal.

Kuswag Skool is baie trots om ons leerders te sien wen en hulle self te geniet.

Jy sal nooit jou perke ken totdat jy jouself daartoe stoot nie.



ATKV REDENAARS

Elke redenaar, elke mentor, elke ouer en beoordelaar het bygedra tot die sukses van hierdie jaar. Dit is iets om te vier! Almal het geleer dat woorde gewig dra- nie net op papier of in kompetisies nie, maar in die wêreld daar buite. En ons glo vas dat ons, as jong stemme van vandag, 'n verskil kan maak. Mag hierdie jaar net die begin wees van groter drome, sterker menings, en meer selfvertroue.



Simon Krige wen die semi-finale ronde in KZN in Gr 10-12 afdeling en dring deur na die Nasionale finale ronde by Goudini Spa in Augustus.

SEMI-FINALE uitslae by Kuswag:

Gr1-3

Naomi Coetzee (8ste)

Graad 6-7

Keegan van Wyk (5de) Cayla Malherbe (6de)

Gr8-9

Christopher Broodryk (2de) Anell van Rouendal (8ste)

Christopher behaal ook 2de plek in die Onvoorbereide afdeling

Gr10-12

Simon Krige (1ste) Shiloh van Zyl (2de) Mieke Bester (6de) Su-Mari Steyn (10de)



Geluk Simon, jy hou Kuswag se naam hoog! ☀️

Su-Mari Steyn

ConSpirito

2025



Van 19 tot 21 Mei het ons leerders hul talente laat vonkel by die opwindende Con Spirito kompetisie wat by Kuswag Skool aangebied is. Hierdie kreatiewe viering van kuns en kultuur het deelnemers die geleentheid gegee om hul passie en vaardighede in nege afdelings voor te bring - van drama en dans tot debat, kreatiewe skryfwerk, sang, redenaars, lees, instrumentale musiek en selfs groot groepe. ons is ongelooflik trots om aan te kondig dat verskeie van ons leerders deurgedring het na die Forte Finale rondte wat van 15 tot 28 Augustus Plaasvind. Hulle harde werk, toewyding en kreatiwiteit was werklik inspirerend. Baie geluk aan elke deelnemer wat na die finaal deurgedring het, ons wens alle sukses toe!





ysterryke voedsel



ELKE DRUPPELTJIE TEL

KUSWAG BLOEDSKENK

Kuswag het op 30 Mei 2025 weereens n suksesvolle bloedskenk gehad. Dit is altyd n plesier om die SANBS te ondersteun en by ons skool te he. Elke halwe liter bloed wat geskenk word, kan SES mense se lewens red, en jy kry n gratis sappie en koekie daaruit! Wat meer kan n mens vir vra? Daar was tot waterbottels uitgedeel, wat die kinders die volgende paar weke oorals rondom die skool geflankeer het. Ons waardeur en bedank almal wat geskenk het, en hoop om julle weer volgende kwartaal te sien. Vir diegene wat bang is vir naalde: daar is niks om oor te stres nie! Flebotomiste is opgeleide mediese professionele persone wat spesialiseer in die neem van bloed, en die naald is nie regtig so dik nie...

Solank jy onthou om n groot GESONDE ontbyt te eet, sal jy dit maak. Ons moedig julle ook sterk aan om meer ysterryke kos in julle dieet te implementeer. Sien julle volgende kwartaal!

-Lana Naude



KUSWAG SKAAK



Kuswag se Hoerskool skaakspan het n besige, tog opwindende, kwartaal agter die rug. Ons hardwerkende spelers het regdeur die kwartaal ten minste eenkeer elke week hulle pouses opgeoffer om te oefen, strategiee te leer en te bemeester, asook hulle algehele spel te verbeter, en dit wys!

Hulle het in totaal teen ses skole gespeel; naamlik Amanzimtoti High, Port Shepstone, Kingsway, Suid Natal, Meerbank en Scottburgh. Hulle het twee van hierdie skole gewen en uiterse sportmanskap getoon in elke wedstryd. Met Internasionale Skaakdag reg om die draai (20 Julie), wil Kuswag graag al ons skaakspelers bedank vir hulle goeie spel en kennis wat hulle bydra tot ons skool.

Aan ons skaakspelers, wat sport speel met hulle brein; julle maak ons trots. Met elke skaakmat, hou hulle Kuswag se naam hoog. Almal weet skaak behels spelers om 20 stappe vooruit te dink, en daarom eer ons hierdie spelers vir hulle deurnis, asook hulle vermoë om krities te dink en kop te hou onder stresvolle omstadighede.

Ons wens hierdie span alle sterkte toe met hulle opkomende wedstye, en weet dat hulle net hulle beste sal gee.



-Lana Naude

VADERSDAG

Vadersdag is n spesiale geleentheid waar ons die belangrike rol van vaders in ons lewe vier. By ons skool het ons hierdie dag op n besonderse manier herdenk. Die manspersoneel is bederf met n klein geskenkie deur ons laeskool prefekte en hoërskool SR as teken van waardering vir hul rol as ondersteuners en ouers. Ons eer elke vaderfiguur, by die huis en in ons skoolgemeenskap, vir hul spesiale invloed!



HEMELVAART

Hemelvaart is 'n belangrike dag in die Christelike geloof en word jaarliks op die 40ste dag ná Paasfees gevier. Dit herdenk die dag waarop Jesus Christus, volgens die Bybel (Handelinge 1:9-11), voor die oë van sy dissipels opgevaar het na die hemel. Hierdie gebeurtenis simboliseer nie net die voltooiing van Jesus se aardse sending nie, maar ook sy verheerliking en terugkeer na God die Vader. Hemelvaart wys vir gelowiges dat Jesus nie net op aarde gekom het om te ly en te sterf nie, maar dat Hy nou as Koning heers aan die regterhand van God. Dit gee hoop aan Christene dat hulle eendag ook saam met Hom in die hemel sal wees. In baie kerke word Hemelvaart gevier met spesiale dienste, lofprysing en gebede, en sommige skole en gemeenskappe hou ook byeenkomste om hierdie dag te gedenk. Hemelvaart herinner ons daaraan dat ons geloof nie net op die verlede gebou is nie, maar ook op 'n toekoms van hoop, heerlikheid en die belofte van Christus se wederkoms.





Kuswag skool is n klein skooltjie by die kus met Christelike waardes wat hemelvaart gevier het. Ds Wouter Smit het by kuswag skool kom preek oor die belangrikheid wat hemelvaart beteken en omdat hemelvaart belangrik is vir ons geloof het Kuswag skool besluit om op hemelvaart toe te wees



Roadshow



Kuswag adverteer ons skool aan ander skole, om te wys ons is oop vir engels binnekort!

Verskeie dinge was geadverteer.



Sport:

Rugby
Krieket
Hokkie
Netbal





Kultuur:



Drama
Spelling bee
Redenaars
Mnr. en Mej. Kuswag
Jivas



Klomp speletjies was gespeel, om gees te bou, en die kinders die dinge te laat beleef. Van die speletjies was:

Krieket: Hop die bal op die kolf die langste

Hokkie: Dribble bal soveel keer as moontlik tussen die keëls

Rugby: Gooi bal deur 'n buis

Netbal: Wie eerste die bal kan vang

Spelling bee: Spel woorde

Mnr. en Mej. Kuswag: loop met hierdie jaar se wenners



Daar is al by 8 skole opgetree.



My Children! My Africa!

Die dramastuk geskryf deur Athol Fugard, wat 'n storie vertel in die tydperk van Apartheid, was tot lewe gebring op die verhoog by ons skool.



Die storie was verwerk om korter te wees, om op die planke te bring by skole, met sy eie spin op die storie, en was opgevoer op 7 Mei.

3 Akteurs, en 'n minamalistiese dekor wat uit stoele bestaan, hierdie weergawe van die bekende storie het die storie effektief oorgedra sonder die grootste stelle te gebruik. Die akteurs het die emosie goed oorgedra.

Die enigste 3 karakters wat wel verskyn is Thami Mbikwana, Isabel Dyso, en Anela Myalatya, ook bekend as "Mr. M".

Die drama gaan oor Thami, 'n swart leerder wat jeug proteste bywoon en lei teen apartheid, maar as gevolg van streng wette en regulasies, word leerders toegesluit of doodgemaak.

Isabel is 'n wit leerder wat besef dat ten spyte van Bantu onderwys wette, is swart leerders ewe slim. Sy spandeer meer tyd met Thami om debatte te doen, onder leiding van Mr. M.



Mr. M is 'n onderwyser wat glo dat alle mag lê in onderwys. Hy wil nie veg teen apartheid nie, want hy weet dat dinge nie gaan verander nie, en in plaas van 'n oorlog veg wat sy dood doelloos gaan veroorsaak, wil hy sy leerders leer tot die beste van sy vermoë. Dis sy manier van terugveg, deur die enigste ding wat apartheid nie kan wegvat nie, kennis.

**“An Etheopian tribesman,
carrying the body of a
little child that died of
hunger, carelessly
wrapped in a few rags. He
shuffled along to a mass
grave, and with his last bit
of strenght, dropped it in.
What is wrong with this
world that it wants to
waste you all like that...my
children...my Africa! My
beautiful and proud young
Africa!”**